

ու լեզուի տէր մարդը խոստովանումէ իւր մոլորութիւններն, և տարածվումէ Խաչելոյ առաջ՝ ու զլջման արտասուքներ թափում: Կարճն ասեմ, ով որ մի ժամանակ մնումէ խաչի վարժատան մէջ, այնտեղից դուրս է գալի և աւելի խելօքացած և աւելի իւր վարքն ուղղած:

Տեսնումէք, ով քրիստոնեայ եղբարք և քորք, որպիսի օգուտ է բերում մեզ խաչը: Սուրբ մարդիկն, երբոր իրանց վերայ առնում էին խաչն՝ ուրախանում էին, երբ որ կրում էին՝ պարծենում էին, իսկ երբ որ ցած էին դնում՝ արտմում էին, բայց մենք ընդհակառակը վախենում ենք խաչի մինչև անգամ ամենափոքր ծանրութիւնից, ու տրտնջում ենք, երբ որ մեզ վերայ գալիս է որեւիցէ նեղութիւն: Մի՛թէ այսպէս պէտք է գնալ Քրիստոսի ետեւից: Մի՛թէ այսպէս է հարկաւոր խոստովանել մեր հաւատը դէպի մեր Փրկիչը:

Ուրեմն վեր առնենք անձնուրացութեան խաչն ուրախութեամբ, ու կրենք շնորհակալութեամբ և համբերութեամբ: « Ի՞նչ լուծ առաջը է, և ի՞նչ բեռն լինի », հաւատացնումէ մեզ Ինքը մեր Փրկիչը: Ամէն:

(Թաւգ. Ռոմ.) Կարապետ Գ. Տէր Յակովբեանց Աղայի.

## ԲԱՆԱՍԻՐԱԿԱՆ

ՌՈՒՍԱՅ ՀՈԳԵՒՈՐ ԴՊՐՈՅՆԵՐԸ\*).

Հոգեւոր Դպրոց են կոչվում այն դպրոցները, որոնք չորս դասարանական դասընթաց ունին և ընդունում են իրանց մէջ ուղղափառ դաւանութեան հոգեւորականաց որդիքը տարրական կրթութիւն տալու նոցա: Ուրիմն դոցա նպատակն է յիշեալ դասակարգի երեխաներին տալ տարրական ուսումն և կարեւոր կրթութիւն: Թէպէտ և կանոնին համաձայն պէտք է ընդունուին այդպիսի դպրոցներում միայն հոգեւորական կոչմանը պատկանող դասակարգի որդիները, բայց միւսնոյն ժամանակ ընդունվում են և ուրիշ դա-

(\*) Վերոյիշեալ տեղեկութիւնները հանած եմ արքունի դպրոցաց ընդհանուր ծրագրից:

սակարգերի որդիք թողակով, եթէ դոքա պատկանում են Ռուս դաւա-  
նութեան: Յիշեալ դպրոցների դասընթացն աւարտողները կարող են միա-  
նել հոգեւոր սեմինարեաները: Այդ կարգի դպրոցներ գտնվում են թէ՛ նա-  
հանգական և թէ՛ գաւառական քաղաքներում: Այդպիսի դպրոցների դա-  
սընթացն աւարտողները՝ ինչպէս և շաւարտողները, ստանում են իրենց  
գիտութեանն և վարրին համեմատ վկայագիր դպրոցի վարչական անդամ-  
ների ստորագրութեամբ: Նոքա՝ որոնք աւարտել են դպրանոցի ամբողջ դա-  
սընթացը և չեն մտած հոգեւոր սեմինարիայ, քաղաքական ծառայութեան  
մէջ մտնելու ժամանակ, եթէ վայելում են ծագման իրաւունք, չեն են-  
թարկվում այլ ևս քննութեան, առաջին աստիճան (VIII) ստանալու հա-  
մար:

Այդպիսի դպրոցներն ունին իրենց մօտ հասարակաց համար բնակարան-  
ներ, որոնց մէջ ընդունվում են կամ բողոքովին առանց թողակի և կամ  
պակասացրած թողակով տեղական հոգեւորականների որբ երեխաները, ինչ-  
պէս և չքաւոր հոգեւորականներինը՝ եթէ որ ունենում են դոքա գերա-  
դանց վարք ու բարք և լինում են յառաջագէտ ուսման մէջ: Տեղական  
հանգամանքներին նայելով աշակերտներն ընդունվում են կամ լիաթողակ  
գիշերօթիկներ և կամ այնպիսի գիշերօթիկներ, որոնք չեն ստանում հա-  
գուստ: Ընդունելութեան համար խնդրագիրը տրվում է յանուն տեսչի,  
որոյ հետ ներկայացնում են նոյնպէս ծննդական վկայագիր և կամ թէ  
չափաբերական գրքից քաղուածք իրենց ծննդեան վերաբերեալ:

Այդպիսի ուսումնարանների Առաջին դասարանն ընդունվում են 10—  
12 տարեկան երեխաներ, որոնք կարողանում են կարդալ և գրել ռուսե-  
րէն, և միայն կարդալ սլաւօներէն (եկեղեցական լեզու): պէտք է գիտե-  
նան դոքա հասարակեալ աղօլքները, քրիստոնէական վարդապետութեան  
տարիքն և չորս գործողութիւնը թուարանութիւնից: Պարճ ասել հոգեւոր  
դպրոցի Առաջին դասարան մտնելու համար աշակերտը պէտք է իմանայ  
մերձաւորապէս այն ամենն, ինչ որ ուսանում են մեր երեք տարուայ դա-  
սընթացով ծխական դպրոցներում:

### Հ-Գ՝-ուր սեմինարիաներ կամ Թեմական դպրանոցներ:

Թեմական դպրանոցի լիակատար դասընթացն աւարտողները՝ իրենց յա-  
ռաջագիմութեանը նայելով բաժանվում են երկու դասակարգի: Առաջին  
կարգին համեմատ աւարտողները ստանում են ուսանող անունը (ստու-  
տենդ): Թեմական դպրանոցի ուսանողները հոգեւոր ատեանների և հոգե-  
ւոր դպրոցների ծառայութեանը մտնելու ժամանակ, նախապատիւ են հա-  
մարվում նոցանից, որոնք չեն ստացել ~~որոշակի~~ կոչումը: Իսկ երբ որ  
կամենում են մտնել քաղաքական ծառայութիւն ընդունվում են XIV կար-  
գի աստիճանով, առանց ծագման զանազանութեան:

Նրկրորդ կարգի աշակերտները՝ որոնք ստացել են թեմական դպրանոցի  
դասընթացն աւարտելու գոհացուցիչ վկայագիր առանց սրժանանալու ~~որոշակի~~

Գէորգ կոչման, քաղաքական ծառայութիւն մտնելու ժամանակ, եթէ ունին ծագումն կամ արտօնութիւն ծառայութեան, ընդունվում են ներգործական ծառայութեան մէջ և ըստ զօրութեան օրինագրքի III հատորի 593 յօդուածի ստանում են աստիճան որոշեալ ժամանակն ծառայելուց զկնի։ Թեմական դպրանոցում աւարտողների վկայագիրը (attestatъ) ի նկատ է առնվում հոգեւոր ակադէմիայում և ուրիշ բարձր ուսումնական հիմնարկութիւններում, երբ այդպիսի վկայագիր ունեցողները կամենում են շարունակել իրենց կրթութիւնը յիշեալ բարձր հիմնարկութիւններում։ Հանրակրթիչ ուսման դասընթացն աւարտողներն ընդունվում են համալսարաններում և լեցիօններում, երբ համառօտ հարցաքննութիւն են կարողանում տալ երկու հին դասական (կլասիքական) լեզուներից, Ռուսաց լեզուից և մաթեմատիկայից։

Թեմական դպրանոցներում (սեմինարիաներում) ընդունվում են հետևեալ կանոններով։ —

Ամենայն տարի ընդունվում են Ռուս դաւանութեանը պատկանող ամենայն դասակարգից պատանիներ թեմական դպրանոցներում, թէ հարկաւոր եղած ուսումն ստացած լինին ուսումնարաններում և թէ տանը՝ առանձին պարապելով։ Ընդունվում են թեմական դպրանոցի թէ Առաջին դասարանը, և թէ հետեւեալ դասարանները, բացի վեցերորդ դասարանից։ Առաջին դասարանը մտնելու համար պահանջվում է նախորոշ հասակ։ Աստուածաբանական առարկաներն ուսանելու համար ընդունվում են հինգերորդ և վերերորդ դասարաններում այնպիսիները՝ որոնք աւարտել են մի որ և է ուսումնական հիմնարկութեան դասընթացը, նաև այնպիսի անձինք, որոնք ստացել են առ տնին կրթութիւն և չեն փոքր տասնեութն տարեկանից։ — Առաջինները քննվում են աստուածաբանական այն առարկաներից՝ ոչք չեն աւանդուել աշխարհական ուսումնարաններում, իսկ վերջիններն ենթարկվում են քննութեան՝ թեմակալ առաջնորդի տեսութեանը համեմատ։

Խնդիրները տրվում են յանուն տեսչի (ректоръ), Օգոստոսի մէկիցն ոչ ուշ, որի հետ և վարուց և յառաջադիմութեան վկայագիրն՝ եթէ դպրանոց մտնողն աւարտել է որ և է հիմնարկութեան մէջ, իսկ եթէ առ տնին կրթութիւն է ստացել՝ այն ժամանակ միայն ծննդական վկայագիրը խնդրի հետ կկցեն։ Խնդիրներն ընդունվում են Յունիսին և Դեկտեմբերին, կամ Սեպտեմբերին և Յունվարին։ Սեմինարիաներում լինում են արքունի հաշուով սովորողներ, գիշերօթիկ թոշակատուներ, և երթևեկներ, Առաջինների մէջ ընդունուած են որբեր և չքաւորների երեխաները։ Լիաթոշակ գիշերօթիկները վճարում են տարեկան 90 ռուբլի ամենայն ծախուց համար։ Իսկ այն գիշերօթիկներն՝ որ միայն կերակուր են ստանում, վճարում են տարեկան 45 ռ. կամաւոր երթևեկներն ուսանում են առանց վճարի։

Ուսանելի առարկայից ծրագիրը հաճախ ընտանիքի անդամներին համար.  
Առաջին դասարան.

Կրճ. — Հին և նոր կտակարանի պատմութիւնը Տուղակովի ձեռնարկի վերայ. ընդարձակ քրիստոնէական վարդապետութիւն: Մեկնութիւն և բացատրութիւն ժամասացութեան, պատարագի արարողութեան և եկեղեցական կանոնագրութեան. վերջինս անցնում են հետեւեալ ձեռնարկներով. —  
• Եկեղեցական կանոնագրութիւնը սովորելու համար օտ ձեռնարկ. Միխայիլովսկի քահանայինը. • Համառօտ տեսութիւն ժամերգութեան գրքերի. —  
• Նիկողոկի քահանայի. • Եկեղեցական կանոնագրութեան համառօտ ծրագիր. —  
• գործ նորդով աւագ քահանայի:

Ուսանող լէւն. — Քերականութիւն Ռուս լեզուի ամբողջապէս և լիակատար:

Լ. Գրիգորիան լէւն. — Գրել ըստ թելադրութեան, հիմնաւոր գիտութիւն բառակազմութեան և համաձայնութեան. թարգմանութիւն թեթեւագոյն յօդուածների՝ հռովմէական վիպագրութիւններից (Պորնէլիոս Նեպոս, Պուրցիոս, Իւլիոս և կեսար) և Ֆէդրայի առակները. Վերջինս հասկանալու համար, տալ ծանօթութիւն չափաբերութեան կանոնների մասին:

Յ. Լ. Գրիգորիան լէւն. — Լիակատար և մանրամասն գիտութիւն բառակազմութեան և համաձայնութեան գիտաւոր կանոնաց. այնպէս որ գիւրին յօդուածներ թարգմանելը կարելի լինի: Կրճ. քերականութիւնից թարգմանել կրթութիւնները ռուսերէնի. թարգմանել նոյնպէս Ղուկասու աւետարանը և Գործք Առաքելոցը ռուսերէն:

Ա. Գրիգորիան լէւն. — Հիմնաւոր գիտութիւն ընդհանուր և Ռուսիոյ աշխարհագրութեան. առանց դժուարութեան գտնել քարտեզի վերայ իւրաքանչիւր պետութիւն և նշանաւոր քաղաքները, գետերը և այլն, համը քարտեզի վերայ կարողանալ որոնել և գծագրել կանոնաւորապէս Ռուսաց պետութիւնը և Ռուսիայի նշանաւոր տեղերը:

Երկրորդ դասարան.

Առաջին դասարանում անցածից զատ՝

Կրճ. — Ս. գրքի մասին եղած գիտութիւնից. — պատմական տեղեկութիւն Ս. գրքի մասին. — բաժանումն Ս. գրքերի գրութեան, ժամանակի և բովանդակութեան համեմատ, ծանօթութիւն Պանոնական և Պարական գրքերի մասին: Թւումն և անուանումն Հին և նոր կտակարանի օրէնսդրական գրքերի, տեղեկութիւն Հնգամատենից հեղինակի մասին. թէ ինչպէս է անուանվում Ծննդոց գիրքը Հրէից և Յունաց Աստուածաշնչի մէջ. նորա պարունակութեան ետևան տալիսյն և այն ժամանակամիջոցը, որ պարունակում է իւր մէջ նորա բովանդակութիւնը. — բաժանել նորան մասերի և իւրաքանչիւր մասի ընդհանուր բովանդակութեան ծրագիրը, գրութեան ժամանակը, տեղը և նպատակը. Հնգամատենանի միւս գրքերն և

պէտք է այս օրինակով իմաստասիրել. — Ելից, Աւտացւոց, Թուոց և Երկրորդ Օրինաց, Ընթերցումն Հնգամատենի Հանդերձ մեկնողական բացատրութեամբ:

Գր-ի-ն-ն-ի-ն Ռուսաց. — Տեսութիւն գրականութեան կամ գալրութեան Ռուսաց. Ստայիւնինի ձեռնարկով:

Պատմ-ի-ն. — Հին և Միջին պատմութիւն մինչև Աարլոս Մեծը՝ Իլովայսկու ձեռնարկով ( Միջին Հասակ ), պէտքէ գիտենալ ճշդիւ ըստ այնմ ժամանակագրութիւնը և ցոյց տալ պատմական քարտէշների վերայ նշանաւոր տեղորայք:

Հնդ-ի-ն-ն-ի-ն ( Սլոգերայ ) . — Սոփի ձեռնարկի վերայ գիտենալ առաջին ութ գլուխը:

Լատի-ն-ի-ն լեզու. — Բացի քերականութիւնը լիակատար կերպով իւր բոլոր մասերի վերաբերմամբ գիտենալուց, Յակովբ Սմիլնովի լատիներէնի համար յօրինած « Ընդարձակ ձեռնարկով » թարգմանել Տիտուլիվայից ( fasti ) մանրակրկիտ վերծանութեամբ իմաստասիրել վեցչափեանի ( гекзаметръ ) տեսութիւնը. վերջապէս՝ գրաւոր կրթութիւն՝ թարգմանելով Ռուսերէնից լատիներէն:

Յու-ն-ի-ն. — Ուսանել ըստ Կիւնէրի ձեռնարկի ( թարգմանութիւն Նոսովի ) Հանդերձ վերծանութեամբ կանոնաց՝ թարգմանելով Ռուս լեզուից Յունարէն, այն կրթութիւնները, որոնք գտնվում են ձեռնարկի մէջ, և թարգմանել կարողանալ Քսենոֆոնի Անաբազիսից:

Ֆրանսի-ն և Գերմանի-ն. — Ըստ կանոնի ընթերցումը և գրելը ուսանել բառակազմութիւնը համեմատ ձեռնարկներիս. — « դասագիրք Քրանսիական լեզուի գիմնադրական ստորին դասարանների համար » Մարգոյ. « Դասագիրք Գերմանական լեզուի ուսուցման գիմնադրոնների ստորին դասարաններում » . — Հանեման:

### Երբեք դասաբան

Բացի՝ Առաջին և երկրորդ դասարաններում աւանդածներից —

Կր-ն. — Ս. գրքի մասին եղած գալրութիւնից պահանջվում է գիտենալ Հին կտակարանի պատմական գրքերի բովանդակութիւնը. — օրինակ՝ Յեսուսաւեայի գրքի մասին ( գրքերը գրողների մասին տեղեկութիւն, Հայեացք նոցա բովանդակութեան վերայ և բաժանումն մասերի. Գրութեան ժամանակը, տեղը և նպատակը ), Ըստ այսմ կղանակի իմաստասիրել և միւս գրքերը. — Դատաւորաց, Հոսթայ, Առաջին, Երկրորդ, Երրորդ և Չորրորդ գրոց թագաւորաց, Առաջին և Երկրորդ գիրք Ժողովողի. Առաջին գիրք Եղրասայ, Նեմանի, Եսթերի. Երկրորդ գիրք Եղրասայ, Տովրիթի. գիրք Մակարայեցւոց և Երրորդ գիրք Եղրասայ:

Գր-ի-ն-ն-ի-ն. — Ռուսաց գրականութեան պատմութիւնը, վերջացնելով Պոգոլից յետոյ եղած Ռուսաց գրականութեամբը, Ստայիւնինի ձեռնարկով, ջեռ-ն-ի-ն-ն-ի-ն նոր գրականութեան վերաբերեալ. — Ռուսաց Հին և նոր գրա-

կանութեան պատմութեան, Ա. Գալախով: «Պատմական Խրիստոմատիայ» (ընտիր հատուածք): Գալախովինն և Բուսլայիվինը:

Պատմութիւն. — Միջին դարու պատմութիւնը վերջացնել Իլովայսկու ձեռնարկով:

Պատմութիւն Ռուսաց մինչև Պետրոս Մեծի ժամանակը, ձեռնարկ Իստոմարով:

Հին Ռուսի. — Սոֆի ձեռնարկով՝ նորա մնացած միւս գլուխները:

Երկր-ը-է-ն. — Բոլոր երկրաչափութիւնը, Բուսլայիվին ձեռնարկով:

Լեռները. — Թարգմանել կարողանալ Ս-է-ն-ը և Օլեքս-ն-ն-ն, և կըրթութիւն գրաւոր:

Յունարէն. — Թարգմանել կարողանալ Հերոդոտի պատմութիւնից, և Հոմերոսի Ոդիսիականից, հանդերձ Յունական բարբառի ձևերի գիտութեան և վեցչափեան գրուածոց կանոնների վերծանութեան:

Ֆրանսերէնից և Գերմաներէնից. — Հասկանալ քերականութիւնն և կարողանալ թարգմանել: Դասագրքերը նոյնն են:

### Զարգացող դասարան

Նախորդ երեք դասարաններում աւանդեալներից զատ. —

Կրթ. — Ս. Գրքից իմանալ Հին կտակարանի Վարդապետական գրուածները:

Տրամաբանութիւն. — Ամբողջ տրամաբանութիւնը. Լեքսիկոն դասագրքով (Թարգ. Սվետլինի):

Պատմութիւն. — Նոր Դարի Ընդհանուր պատմութիւն մինչև XVIII դարը, Իլովայսկու դասագրքով. և Ռուսաց պատմութիւնը՝ Պետրոս Մեծից սկսած՝ մինչև XVIII դարը՝ ից Արեւմտեան Եւրոպայի իրողութեանց և սկիզբն XIX դարու Բոժգետութենական ձեռնարկով:

Երկր-ը-է-ն. — Պարտաւորապէս ուսանել եռանկիւնաչափութիւնը ձեռնարկով. — Դիմիտրեւի ուղղագիծ եռանկիւնաչափութեան սկզբնական կանոնները: Պասկալեան օրէնք. — Տիաժոլովի և Սեմիլեօրովի ձեռնարկով:

Լեռները. — Թարգմանել կարողանալ Վերգիլիոսի Ենէականից, Հորացիայի երգիծարանութեան ընտիր տեղերը, Վիկերոնի և Սենեկայ փիլիսոփայական ճառերը:

Յունարէն. — Թարգմանել կարողանալ Հոմերոսի Եղիականից և Գեմոսթենէսի ու Իսոկրատէսի ճառերից:

Ֆրանսերէն և Գերմաներէն. — Հիմնաւոր գիտութիւն քերականութեան, և կարողանալ թարգմանել օտար լեզուից Ռուսերէն և հակադարձը: Բացի սորանից՝ շարադրել Ս. Գրքից տրամաբանութիւնից և գրականութիւնից առաջարկած խնդիրներին համեմատ:

### Հիմնական դասարան

Բացի Նախորդ չորս դասարաններում անցածներից. — Կրթ. — Ուսանել մարգարէական գրքերի բովանդակութիւնը և Հին կտակարանի կանոնական գրքերի պատմութիւնը:



սանողները թողում են ձեմարանը քառամսեայն չլրացած, նոցա վճարած գրամը չէ վերադարձնում իրենց։

Արքունական հաշուով ուսանողները՝ ձեմարանական ընթացքն աւարտելուց զինի, պարտաւոր են ձեմարանում ծառայել իւրաքանչիւր տարուայ պահպանութեանը համար մի և կէս տարի հոգեւոր ուսումնարանական իշխանութեան ներքոյ, — ներգործական ( действительный ) ուսանողները հոգեւոր դպրոցներում, իսկ կանգիտատներն և մագիստրոսները թեմական գրպրոցներում կամ հոգեւոր ձեմարաններում, ուր որ նոցա՝ իշխանութիւնը կնշանակէ, հակառակ դէպքում վերադարձնում են այն գումարը, որ գործ է դրուել նոցա պահպանութեան համար ձեմարանում, համեմատ այն ժամանակին, որ մնացել են ձեմարանում և կամ չծառայած ժամանակի նկատմամբ, ձեմարանի ուսանողներից, որք սովորել են արքունի հաշուով, բայց իրենցից անկախ պատճառաւ չեն ստացել պաշտօն հոգեւոր իշխանութեան դպրանոցներում, մտնելով հոգեւորական պաշտօնի մէջ, կարող են ձեմարանի ուսման վճարից ազատուել, ձեմարանի մի դասընթացից ( курс ) միւսն անցնելու ժամանակ ենթարկւում են հարցաքննութեան։

ձեմարանական դասընթացն աւարտելուց յետոյ, ուսանողները ստանում են մրցանագիր, և ըստ այնմ կոչվում են. — действительный студент և кандидат ( թերեւ կարելի լինի հայերէն ասել լոկ աւարտող ուսանող և արտօնաւոր ուսանող )։ Անցնելով շորրորդ դասընթացը ( курс ) նոքա ընտրում են այդ դասընթացում լսելու համար այն առարկաներն իրենց բաժնի, որոնցից պէտքէ հարցաքննուին յաստիճան մագիստրոսութեան և լինել ուսուցիչ թեմական դպրանոցներում։

Չորրորդ դասընթացն աւարտողներից ոմանք հարցաքննվում են այդ դասընթացի գիտութիւններից մագիստրոսի աստիճան ստանալու։ Այդ հարցաքննութիւն տուողներն՝ եթէ միեւնոյն ժամանակ ներկայացնում են մի ուսումնական ճառ և պաշտպանում հրապարակաւ իրենց գրածը, ստանում են մագիստրոսի աստիճան։ Իսկ նոքա՝ որք հարցաքննութիւն են տուել բայց ուսումնական ճառի վերաբերմամբ գոհացուցիչ չեն, ստանում են միայն մրցանագիր ուսումնական աստիճանի և կոչվում են կանգիտատ, որք ունին իրաւունք դասախօսելու թեմական դպրանոցներում։

Սարգիս Քահանայ Բէգ - Նաղարեանց։